

Immikkut ittumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutai.

Aningaasaqarnermut tunngasut

Imm. 03 Balance-t

Suliassat nalinginnaasut

Imm. 04 Inuiattut ullorsiornissarput 21. juni

Imm. 05 Kangerlussuarmi orpiit pillugit Thyge Autzen-ip aningaasanik qinnuteqarnera

Imm. 06 Tamalaat

- **Arctic Circle Business-imiit Jesper, Kangerlussuarmi skiltissat pillugit saqqummiissaaq**



Ataatsiminneq aallartippoq nal. 13:00

Peqataasut:

Inuit Ataqtigiit

Johan Lange

Siumut

Johanne Olesen

Nalunaaruteqarlutik peqataannngitsut:

Knud Olsen

Nalunaaruteqaratik peqataannngitsut:



Imm. 01 Oqaluuserisassat akuersissutigineqarneri

Aalajangiineq

Akuersissutigineqarput



Imm. 02 Siulittaasup tulliata nalunaarutai.

Johan Lange, Siumut.

Johan Lange tikilluaqqusivoq, nalunaarutissaqannginnamilu oqaluuserisassanut ingerlaqqittoqarpoq

Aalajangiineq



Imm. 03 Balance-t

J.nr.06.00.01

Maleruagassatigut tunngavissat.

Karseqarnikkut Qeqqata Kommunia.-ta maleruagassaa.

Innersuussut

Allaffeqarfiup innersuussutigaa, ilaasortanit tusaatitigut tiguneqassasut.

Aalajangiineq

Maannamut aningaasat atukkat system-i nutaaq peqqutaalluni takussutissaqanngilaq, taamaakkaluartoq allaffimmiit takussutissamik sanasoqarsimavoq. Maannamut akilikkat, tapiissutit allallu naatsersornerani, aningaasat sinneruttut missingersorneqarmata

Imm. 04 Inuiattut ullorsioneq 21. Juni 2020

J.nr.

Tunuliaqutaq:

Inuiattut ullorsiornissaq 21. juni 2020 pillugu aggersarneqarsimapput Kangerlussuarmi sunngiffimmi pisortaq Bent Vetterlain aammalu Hotel Kangerlussuup ittua Jeppe Nielsen ilagivaalu igasut ittuat.

Eqqartorneqartussaavoq 21. juni ullaakkorsiortitsinissaq, ualikkut/unnukut aasarsiortarfimmi grille-rinissaq kiisalu nipilersortussat tikittussat

Aningaasaqarnikkut allaffissornikkullu kingunerisinnaasai.

Aningaasaqarnikkut kingunersinnaasai: Konto:xxxxxxxxx ulloq 02.juni 2020 ima annertutigisumik imaqarpoq.xxxxxxxxx kroner

Innersuussut

Allaffeqarfiup innersuussutigaa, ilaasortanit akuersissutigineqassasoq.

Aalajangiineq

Hotel-ip ittuat Jeppe Nielsen aallarniilluni nassuiaavoq, ukiormanna hotel-i aningaasarsiornermigut ajornartorsiuteqarmat grill-erinissamat pisarnermisut tapiisinnaanani, aammalu eqqaallugu inuit 100-it sinnerlugit katersuuteqqusaannginnerat pillugu suleqataanissartik eqqarsarnartoqartillugu, tunillatsittoqassagaluarpas Kangerlussuaq matuneqarnissaa ernumassutigigamikku. Tassunga atatillugu aamma eqqaavaa sulisunik grille-risussanik aamma neqerooruteqarsinnaanatik, ikiuukkusuttoqassappallu namminneq piumassutsiminnik ikiutissasut. Siorna taamatut aaqqissuussisoqarmat minnerpaamik inuit 250-it peqataanikuupput.

Ullaakkorsiornissaq pillugu periarfissat eqqartorneqarput, hotel-ilu aamma tassunga tapiissuteqarnissaminnut periarfissaqannginnerarput. Sumi ullaakkorsiortitsisoqarsinnaanera eqqartorneqarpoq, hotel-ip neriniartarfiini marluusuni, innuttaasut marlunnut avinneqarlutik pisinnaasoq imaluunniit pisarnertut borgerservice-ip silataani erfalasureernerup kingorna pisinnaasoq.

Hotel Kangerlussuaq neqeroorpoq, hotel-imi ullaakkorsiorneq pissappat inummut ataatsimut 75 kr-neqassasoq, kusanartunillu sassaallutissanik piareersaasinnaallutik. Aammattaaq eqqaavaat annissasanik piareersaasinnaallutik, suunerilu apeqqutaallutik qanoq akeqarnissaanik neqeroorusiorsinnaallutik

Nipiersortussatut aaliagiunneqarsimapput Nuummeersut Tupaarnaq Mathiassen aammalu Nukappi-annuaq Vetterlain, taakkulu billet-issaat suli inniminnerneqanngillat. Qanoq pisoqarnissaa utaqqimaarneqarpoq

Nunaqarfimmi aqutsisut 3.juni 2020 nal.13:00 immikkut ittumik ataatsiminneq

Nunaqarfimmi Aqutsisut aaliangerput, pisussaq pillugu tallimanngornermi 5. Juni nal. 13:30 Kunuuti peqatigalugu naapeqqilaarniarlutik. Inuiattut ullorsiornissamut pilersaarutit ingerlanneqarnissaat pillugit eqqartueqatigiillutik aaliangiisoqassammat.

Aggersarneqarsimasut Jeppe, igasup ittua aammalu sunngiffimmi pisortaq Bent aaliangeereernerup kingorna uterfigiumaneqarput



Imm. 05 Kangerlussarmi orpiit pillugit Thyge Autzen-ip aningaasanik qinnuteqarnera

J.nr.

Thyge Autzen Kangerlussuarmi orpiit pioreersut pillugit misissuisimavoq, tamaasalu normulerlugit allattugaatigivai, orpiit suuneri qangalu ikkunneqarsimaneri. Aningaasanik kr. 5000,00 –ninik Nunaqarfimmi Aqutsisut aningaasaliinermikkut, allattorsimaatini kommuni-mut tunniussinavaai.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunersinnaasai: Konto:xxxxxxxxx ulloq 02. juni 2020 ima annertutigisumik imaqarpoq.xxxxxxxxx kroner

Innersuussut

Allaffeqarfiup innersuussutigaa, ilaasortanit oqaluuserineqassasoq aalajangiiffigineqassasorlu.

Aalajangiineq

Kangerlussuarmi Nunaqarfiup aqutsisuisa ataatsimiikkamik aningaasat kr. 5.000,00 tapiissutissatut qinnutigineqartut tamarmiullutik taperserlugu akuersissutigivaat, taamaasilluni kommunip Kangerlussuarmi orpiit allattorsimaneri pigilissavaat. Allattugaatit paasissutissartai allaffimmiit, innuttaasuniit turistilerisuniillu assut atorluarneqarsinnaaneri naatsorsuutigineqarpoq



Imm. 07 Tamalaat

Siorna Arctic Circle Business-imiit Jesper, Nunaqarfimmit Aqutsisut ataatsimeeqatigisimavaat, Kangerlussuarmi skiltiornissaq pillugu ilanngussaqaarusunnarsut tusarniaavigalugit. Skiltit sananeqarnissaminnut piareersimalersimapput, Jesper-lu ulluni makkunani Kangerlussuarmiinnini iluatsillugu takutikkusummagit kissaatigisimavaa Nunaqarfimmi Aqutsisut naapilaarnissaanut. Immikkut ataatsimiinnissaq iluatsillugu aggersarneqarsimavoq

Skiltit Nunaqarfimmi Aqutsisuniit assut kusagineqarput, erinisuppullu piareersimaleriarpata ikkussorneqarnissai. Kunuutip kissaatiginikuusaa sermersuup aqutaani tupertarfissat marluk, Jesper-p sumiinnissaanik nunap assingani toqqaasoqarnissaa kissaatigivaa. Kunuuti peqataannngimmat aaliangerneqarpoq ulluni qaninnerni Kunuuti toqqaateriarlugu Jesper-mut ingerlateqqinneqassasut.

Ataatsimiinneq naammassivoq nal. 14:36

